

लैफ्टिनेंट गवर्नर हुंदे सचिवालय नै राजभवन दा नां बदलियै लोक भवन जम्मू-कश्मीर कीते जाने दा ऐलान कीता ऐ। आकाशवाणी जम्मू दे संवाददाता दी इक रिपोर्ट मुजब

राजभवन दी इमारत केन्द्र शासत प्रदेश दे लैफ्टिनेंट गवर्नर हुंदा अधिकारिक निवास ते दफ्तर बी ऐ। एल.जी हुंदे प्रधान सचिव डाक्टर मंदीप के भंडारी हुंदे आसेया दस्तख्त कीते गेदे इक हुकमै च ए आखेया गया ऐ जे राजभवन दे नां च तब्दीली फौरी तौर पर लागू मन्नी जाग ते हूँ इसी लोक भवन जम्मू-कश्मीर आखेया जा करोग। भारत सरकार दे गृह मंत्रालय आसेया जारी इतलाह दे मगरा ए हुकम जारी कीता गया ऐ।

<><><><><><>

### Satish -Solar Plant

जम्मू-कश्मीर च नवीकरणीय ऊर्जा दे इस्तेमाल गी बढ़ावा देने बक्खी इक होर गैह पुट्टदे होई ट्रांसपोर्ट मंत्री सतीश शर्मा होरें कल बाहु जम्मू स्थित जे.के. केबल कर निगम च 143 किलोवाट छमता आहले सौर ऊर्जा संयंत्र दा उदघाटन कीता। जागरुकता ते उदघाटन कार्यक्रम दा सरिस्ता जम्मू-कश्मीर ऊर्जा विकास एजेंसी आसेया साईस ते टैक्नालोजी मैहकमे दे बैनर हेठ कीता गया। बाहु थमां विधायक विक्रम रंधावा ते एजेंसी दे मुख कार्जकारी अफसर डाक्टर पी.आर. धर बी इस मौके पर मजूद हे। इमारत दे छते पर लाए दे इस सोलर संयंत्र दी मदद कन्नै इस प्रोजैक्ट पर होने आहली बिजली दा खर्चा बचोग।

<><><><><><>

### Accident

राजौरी जिले आली जरनैली सिड़कें पर अज्ज बड़लै छिंगुस आले हिस्सें पर होए दे सिड़क हादसे च 2 लोकें दी मौत होई गई ते 3 जनें जख्मीं होई गे। अधिकारियें मुजब- एह हादसा अज्ज बड़लै सवेला उसले पेश आया-जिस्सले इनें लोकें गी लेइयें जा रदी गड़्डी सिड़कें थमां रुलकियें पुट्ठी होई गई। हादसा इन्ना जबरदस्त हा जे 2 जनें दी मौके पर गै मौत होई गई- जिसले के 3 जनें जख्मी होई गे। जखिमयें गी तौले गै नेड़े दे इक अस्पताल च लैता गया- जित्थे उंदा इलाज चला करदा ऐ। पुलसै इस हादसे दे सरबंथे च जांच शुरु करी दिती दी ऐ।

<><><><><><>

### Prog. Announcement

आकाशवाणी दा क्षेत्रीय समाचार एकांश जम्मू कल 4 दिसम्बर गी “वन्य जीवन संरक्षण” सरबन्धी ध्याड़े दे मौके पर 25एं मिन्टें दी इक विशेष चर्चा प्रसारित करने जा’रदा ऐ जेहदा विशे ऐ “जागरूकता ते शिक्षा राएं वन्य जीवन संरक्षण”। एह् कार्यक्रम वीरवारें दपैहरी 12 बजे प्रसारित कीता जाहग। इस विशेष प्रसारण च साढ़े परौहने होडन Chief Wild Life Warden ते Principal Chief Conservator of Forest. Sarvesh Rai जेहड़े इस विशे पर अपने माहिराना विचार साहड़ें श्रोताएं कन्नै सांझे करडन। कार्यक्रम दी मेजबानी साढ़ियां एंकर श्रूति खजूरिया होर करडन। एह् कार्यक्रम मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहग।

<><><><><><>

### **NCC Cadets -BOP Visit**

इक महत्वपूर्ण ते यागदार अनुभव लेई 245 NCC कैडटें दे समूह गी ऐतिहासक सुचेतगढ़ बन्ने दे शैक्षनिक दौरें पर लैता गया। इस दौरें दा आयोजन 9 J&K Girls बटालियन NCC ग्रुप- श्रीनगर हैडक्वाटर दे तैहत जारी सांझे सालाना सिखलाई कैम्प दे इक हिस्से दे तौर पर कीता गया ऐ। बटालियन ते कमांडिंग अफसर कर्नल शरद शर्मा हुंदी अगुआई च NCC कैडटें दे इस समूह गी सुचेतगढ़ आले इस बन्ने दे दौरें पर लैता गया ऐ। इनें कैडटें चा मते सारे श्रीनगर दे रौहने आहलें न ते उनें एदे शा पैहले कदे बी कोई सरहदी चौकी नैई दिक्खी दी ही- जेदे चलदे ए दौरा उंदे आस्तै इक यादगार अनुभव बनी गया ऐ।

<><><><><><>

### **DC Kishtwar -Heritage**

किश्तवाड़ दे डिप्टी कमीशनर पंकज कुमार शर्मा होरें जम्मू-कश्मीर दी वास्तु कला ते विरासत दे संरक्षण ते एदी परानी शान परतियै ब्हाल करने सरबन्धी योजना दे तैहत प्रस्तावित मुख परियोजनाएं पर चर्चा ते समीक्षा लेई कल इक बैठक दी प्रधानता कीती। इस मौके पर जिले च केई सारी विरासती ते धार्मिक ढांचागत परियोजनाएं पर चर्चा कीती गेई।

<><><><><><>